

"INKLYUZIV TA' LIMDA NOGIRONLIK TURLARINING MUTANOSIBLIGI".

Xoshimova Mohinur Baxtiyorjon qizi.

Farg'ona davlat universiteti Tarix fakulteti

Ijtimoiy ish yo'nalishi talabasi

<https://doi.org/10.5281/zenodo.7347630>

Annatsiya: O'zbekiston Respublikasida alohida ta'lim ehtiyojlariga ega bo'lgan bolalarni Inklyuziv ta'limga jalb qilish. Inklyuziv ta'limda, nogironlik turlarining mutanosibligini o'rganish, bu boradagi qilinishi kerak bo'ladigan islohotlarning samaradorligini oshirish. Ta'limda Ekskluziya, Segregatsiya, Integratsiya va Inklyuziyaning bir - biridan farqi va ularning tasnifi.

Kalit so'zlari: ta'lim, bolalar, nogironlik, inklyuziv ta'lim, ijtimoiy ajratish, pedagogik maxorat, ota-ona, so'rovnomalar, YUNISEF- TUD "Ta'limning universal dizayni" bu Inklyuziya.

Kirish: O'zbekiston Respublikasida alohida ta'lim ehtiyojlariga ega bo'lgan bolalar tahlili va dastlabki baholash ishlari 1996 - yildan boshlandi. Aynan shu yil nayabr oyida YUNESKO Ishlari bo'yicha O'zbekiston Milliy komissiyasi tashabbusi asosida Toshkentda "Maxsus ta'lim sohasida inklyuziv usullar", mavzusida milliy o'quv dasturi muvoffaqiyatli amalga oshirildi. 2001- yil O'zbekiston Xalq Ta'limi Vazirligi qoshida Inklyuziv ta'lim bo'yicha manba markazi tashkil etildi. Hozirgi kunga qadar ushbu markaz tomonidan bir necha o'quv seminarlari o'tkazildi. Ko'p yillar davomida yordamga muhtoj bolalarni umumta'lim maktabiga nisbatan Maxsus Segregatsion ta'lim muassasalarida ta'lim, tarbiya berish samarali deb hisoblanib kelindi. Biroq keyingi yillarda izlanishlar shuni ko'rsatmoqda- ki, bolalardagi tug'ma yoki ottirilgan nogironlik turlarining mutanosibligini inobatga olgan holda yosh guruhlaridan kelib chiqib, ta'limning barcha turlariga qamrab olish, o'zining ijobiy natijalarini beradi.

Asosiy qism: "Inklyuziya" (inclusion) ya'ni "kiritish", yoki "birgalikda ishtirok etish", jamiyatdagi hayotni barpo etishning maxsus usulini anglatadi. Bu tizim jamiyatimizning barcha jabxalariga tegishli. Bu barcha insonlarga kelib chiqishi, jinsi, jismoniy va ruhiy xususiyatlaridan qat'i nazar jamiyatning turli sohalariga ya'ni kundalik, ta'lim, madaniyat, ish va boshqa jarayonlarda ishtirok etish imkonini beradigan tizim hisoblanadi.

Masalan, Ta'limda Inklyuziya - bu nogironligi bor bolalarni o'z tengdoshlaridan ajratmagan holda keng qamrovli bo'lib umumta'lim maktablarida o'qitishni tashkil etishdir. Umuman olganda maktabgacha ta'lim muassasalari va maktablar boshqalardan ajralib turuvchi bolalarga erta yoshdanoq ularning jamiyatga to'liq ishtirokini ta'limlashga sharoit yaratishi ularning ijtimoiylashuviga ijobiy ta'sir ko'rsatadi. Inklyuziya umumiy ma'noda

nogironligi bo'lgan shaxslarni (bolalar, ayollar, keksalar) ni ijtimoiy ajiratishga yo'l qo'ymasdan, barcha insonlarni ijtimoiy jarayonlarga jalb qilish, ularning faol bo'lishlarini va jamiyatda o'z o'rinlariga ega bo'lishga yordam bermog'i zarur. Bolalarning nogiron bo'lib qolishlariga jamiyat, undagi muhit, tushunmovchiliklar, yo'l qo'yilgan xatolar sababchi bo'ladi. Demak, bunday bolalarni o'qishi uchun ham shu jamiyatning o'zi jon kuydirishi shart. Bola Huquqlari Xalqaro Konvensiyasidan kelib chiqib, shuni bayon etish mumkinki, yaxshi maktab ta'limini 3 xil ibora bilan ta'riflash mumkun bular,

- _ mos kelishlik;
- _ rivojlantirivchi;
- _ inklyuziyani tashkil etilishi;

bundan shuni anglash mumkun inklyuziv ta'lim nogironligi bo'lgan bolalar ham faqat Maxsus maktablarda emas balki, sog'lom bolalar o'qiyotgan umumta'lim maktablarida ham ta'lim olishlari o'rinli ekanligi belgilangan.

Buning uchun esa pedagogik xodimlar, tarbiyachilar, ota-onalar va bolalar ham inklyuziv ta'lim tizimiga tayyor bo'lishi, maktab darajasi, jismoniy sharoit va o'qishga imkon omillari shu ta'lim talablariga to'la javob berishi kerak/. Alohida ehtiyojli bolalar ham sog'lom tengdoshlari bilan birgalikda o'z qobiliyat darajasida faoliyat ko'rsatishi, ta'lim olishi, kasb- hunar o'rganishi va rivojlanishi mumkun. 1990 - yil Tailantda juda muhim konferensiya o'tkazildi. Bu konferensiya " Ta'lim hamma uchun" maqsadini shakillantirishga qaratilgan bo'lib, unga 155 ta davlat vakillari va 150 dan ortiq nodavlat tashkilotlari qo'shilganlar. Bo'lib o'tgan konferensiya shuni ko'rsatdi, taxminan 10- 15 foiz bolalar maxsus ta'limga muhtoj ekanligi aniqlandi. Hozirgi kunda O'zbekistonda 250000 ga yaqin turli ko'rinishdagi nogiron bolalar (16 yoshgacha) ta'lim olish ehtiyojiga ega. Maxsus ta'lim muassasalar Soni 86 ta bo'lib quydagi yo'nalishlarni qamrab oladi.

18 ta kar va zaif eshituvchi bolalar ta'lim muassasasi;

14 ta ko'zi ojiz va zaif ko'ruvchi bolalar ta'lim muassasasi;

3 ta tayanch harakati azosida;

1 ta nutqida nuqsoni bor bolalar ta'lim muassasasi;

50 ta aqli kamchiligi bor bolalar ta'lim muassasasi mavjud.

Umumiy holda bu ta'lim maskanlarida jami bo'lib, 21153 nafar o'quvchi, 4826 nafar o'qituvchi, 3914 nafar tarbiyachilar faoliyat yuritadilar .

Maxsus ta'lim muassasasida ham alohida ehtiyojiga ega bo'lgan bolalar uchun ta'lim yaxshi yo'lga qo'yilgan deb ayta olamiz. Lekin nogironligi bor bolalarning guruhiiy toyifasini inobatga olgan holda, bu guruh toyifasining yengil, o'rta, og'ir darajada baholanishini nazardan qochirmasdan ya'ni nogironlik turlarining

mutanosibligini inobatga olib, ulardagi holatning yengil, o'rta, darajadagi vaziyatdan kelib chiqib, inklyuziyani tashkil etish maqsadga muvofiq bo'ladi. Ayanchlisi shunda-ki, ayrim vaziyatlarda biz mana shu mos kelish holatiga e'tibor bermay, umumta'lim maktablarida ham o'qiy oladigan farzandlarimizni maxsus ta'lim muassasasiga joylanishiga zamin yaratib qo'ymoqdamiz. Bunga sabab inklyuziya haqida barcha birdak yetarli ma'lumotlarga ega emasligi. Shu o'rinda bunday vaziyatlarda umumiy ota-onalar bilan ishlash o'rinli hisoblanadi. Sitatistik ma'lumotlarga ko'ra 48 foiz ota-onalar inklyuziyani yoqlaydi. Shaxsan o'zim ham "Ota-onalar Inklyuziya bilan tanishmi va ular Inklyuziyaga rozimi" deb nomlangan so'rovnoma olish asnosida ota-onalar bilan suhbat qurganimda ham ularning inklyuziyani ta'limga olib kirish o'rinli ekanligini takidlashdi. Bu esa quvonchli. Huquqiy asoslarga yuzlanadigan bo'lsak, O'zbekiston Respublikasi Prezidentining Farmoni 52 70 - son. 01.12. 2017 yil. "Nogironligi bo'lgan shaxslarni davlat tomonidan qo'llab-quvvatlash tizimini tubdan takomillashtirish chora-tadbirlari" to'g'risi Farmonning 3 bo'limi ham aynan nogironligi bo'lgan shaxslarning ta'lim olishlariga qaratilgan. 38- moddada. Nogironligi bo'lgan shaxslar barcha darajadagi ta'lim tashkilotlarida ta'lim olishi va o'z qobiliyatlarini yanada to'liqroq rivojlantirish uchun ta'lim olish va davlat hayotida ishtirok etish huquqiga ega deyilgan. O'zbekiston Respublikasida 2020- yil 7- avgustda maqullangan ya'ni taxrirdagi "Ta'lim To'g'risidagi Qonun" ning 2BOB. Ta'lim tizimi, turlari va shakllari deb nomlangan va 20- moddada Inklyuziv ta'limga urg'u berilgan. Inklyuziv ta'lim alohida ta'lim ehtiyojlari va individual imkoniyatlarning xilma-xilligini hisobga olgan holda barcha ta'lim oluvchilar uchun ta'lim tashkilotlarida ta'lim olishga bo'lgan teng imkoniyatlarni ta'minlashga qaratilgan deyiladi. Bizda inklyuziyani tashkil etishda qonuniy asoslar mavjud. Bu esa inklyuziya yo'lidagi islohotlarga zamin yaratadi. Inklyuziyani tashkil etishda biz ta'limda Ekskluziya, Segregatsiya, Integratsiya va Inklyuziyaning bir-biridan farqi va ularning ahamiyatiga e'tibor berishimiz muhim sanaladi.

Demak: Ekskluziya bu- ta'limdan tashqarida bo'lgan nogironligi bor bolalar;

Segregatsiya bu- nogironligi bor bolalar uchun ixtisoslashtirilgan maxsus maktab va maktab-internatlari;

Integratsiya bu- nogironligi bo'lgan bolalar uchun umumta'lim maktablaridagi maxsus sinf;

Inklyuziya bu- nogironligi bo'lgan bolalar boshqa bolalar bilan umumta'lim maktablaridagi birgalikdagi faoliyati nazarda tutiladi. Aytib o'tish o'rinli, ayrim chekka tuman hududlarimizda, "ekskluziya" ya'ni ta'limdan tashqarida, nogironligi bo'lgan bolalar borligi ayanchli. Alohida ehtiyojli bolalarni aniqlash

ularni ta'limga yo'naltirish oldimizda turgan eng muhim vazifa. Buning uchun ota-ona, mahalla, maktabgacha ta'lim muassasasi, maktab, oliy ta'lim va sog'liqni saqlash bo'limlari birlasha olishi, samarali ishlash tizimini yaratishi bu boradagi yutuqlarga sababchi bo'la oladi. Ayni payitdan to'g'ri tashkil etilgan inklyuziya quydagi yutuqlarga olib keladi.

_ tengdosh ottirish-78 foizni;

_ moslashuvchanlik- 68 foizni;

_ tanlovlarda ishtirok etish, o'z imkoniyatlarini namoyish etish-42 foiz natijaga olib keladi. O'zbekistonda inklyuziv ta'limga bosqichma- bosqich o'tishga tayyorgarlik ko'rish maqsadida UNISEF ekspertlari ishtirokida Ta' -limning universal dizaynini yaratish uning asosiy tamoyinlarini tushuntirish, TUD ta' limning universal dizaynini, differensial ta'limdan farqlay olish maqsadida fanlar kesimida seminar- treninglar o'tkazildi .

Xo'sh ta' limning universal dizayni o'zi nima? UNISEF bu haqida qanday yangi ma' lumotlar beradi? TUD bu, har- xil o'quvchilarning ehtiyojlarini qondirish uchun mo'ljallangan, barcha o'quvchilarga moslashuvchan yondashuvlar, ta' limdan kutilayotgan natijalar va ularga erishish vositalarini farqlash orqali ta'lim olish uchun teng imkoniyatlarni beradigan, puxta o'ylangan o'quv tizmi bo'lib u inklyuziyani qamrab oladi. Faoliyat quydagilarni o'z ichiga oladi: o'quvchi, natijalar, faoliyat, baxolash. Inklyuziv ta'limga o'tish mobaynida yuqorida sanab o'tilgan yo'nalishlarni puxta tashkilashtirish, o'qituvchilar uchun qo'llanmalar yaratish va albatta ularni tayyorlash kerak bo'ladi. L. S. Vigotskiyning ilmiy qarashlariga ko'ra, " Har qanday ruhiy yoki jismoniy nuqsonda ham taraqqiyot davom etadi". Darhaqiqat, har qanday noqulay vaziyatlarni ijobiy tomonga yo'naltirish bu insoniy vazifamiz hisoblanadi.

Xulosa: Bugungi kunda eng dolbzarb bo'lgan muammolardan biri, ijtimoiy himoyaga muhtoj bo'lgan bolalarni himoya qilish, ularni qo'llab-quvvatlash tizimini mustahkamlashdan iborat. Bu yo'lda ota-onalar ham, o'qituvchilar ham, va ijtimoiy soha vakillari bir bo'lib faoliyatni olib borishi, bolalar farovonligini ta'minlaydi. Muhtaram Prezidentimiz Shavkat Mirziyoyevning " Yangi O'zbekiston Strategiyasi" nomli kitobida shunday satirlar joy olgan . "Yangi O'zbekiston Strategiyasining maqsadi yurtimizning baxtli va barkamol insonlar yashaydigan, ijtimoiy adolat tamoyillari to'liq qaror topgan, dunyoning eng rivojlangan, barqaror o'sayotgan va inson kapitali yuqori bo'lgan demokratik davlatlar qatoridan joy olishini ta'minlashdir. Buning uchun aholining barcha qatlamlariga munosib hayot darajasini va turmush sharoyitlarini yaratib berish, ijtimoiy himoya tizimi samarasi, jamiyatning umumiy madaniyati, bag'rikenglik va mehribonlik fazilatlarini yanada oshirish bo'yicha olib borilayotgan ezgu va

savobli ishlarimizni yanada kuchaytirishni o'zimizning burchimiz, deb xisoblaymiz". Deya takidlangan. Shunday ekan bu boradagi islohotlarni alohida yordamga muhtoj bolalardan boshlash, ularni ta'limga integratsiya qilish, ijtimoiy adolatsizlikka yo'l qo'maslik, ularning hayotga bo'lgan ishonchini oshiradi. Farg'ona viloyati Toshloq tumani 1- umumta'lim maktabida 9- sinflar o'rtasida, "Ta'limda Inklyuziya" bo'yicha so'rovnoma olinib umumta'lim tizim va sog'lom o'quvchilarning o'zlari ham inklyuziyaga tayyormi? deyilgan savollarga javob olindi. Eng quvonchlisi shunda- ki, maktab o'quvchilari ham inklyuziyani ta'limda yoqlashmoqda, ular ta'lim olishga haqli deb fikr yuritdilar. Bu esa ijobiy natijalarga erishishga zamin ochadi. To'g'ri bu yo'nalishda oldimizda qilinishi kerak bo'ladigan ishlar ko'p, kadirilar masalasi, inklyuziyaga oid uslubiy qo'llanmalar yaratish, ta'lim maskanlarini inklyuziyaga moslashtirish va eng asosiysi inklyuziyaga muhtoj o'quvchi bolalarimiz ham o'qituvchilar ham bu jarayonga ruhan tayyor bo'lishlari lozim. Bugungi kunda yurtimizda 86 ta ixtisoslashtirilgan maktabda 21,2 mingdan ortiq, sanatoriya turidagi maktab-internatlarida 6,1 mingdan ortiq, uy sharoitida esa 13,3 ming nafar o'quvchi ta'lim olmoqda. Sitatistikaga ko'ra 2020- yil Respublika bo'yicha 13 ming nafarga yaqin o'quvchilar inklyuziv ta'lim bilan qamrab olingan. Prezidentimiz Qarori bilan 2025- yilgacha inklyuziya umumta'lim maktablarida bosqichma-bosqich jorey etish belgilangan. Agar izchil harakat qilinsa ijobiy natijalarga erisha olamiz. To'siq deyilganda biz ko'p hollarda harakat qilishga to'sqinlik qiladigan cheklovlarni nazarda tutamiz. Ammo shuni tan olish kerakki, asosiy cheklov bizning " fikrlash" tarzimizdir. Xulosa qilib shuni aytishim mumkun Inklyuziya bu - har qanday to'siqlarga barham berish demakdir.

Foydalanilgan adabiyotlar:

1. Shavkat Mirziyoyev " Yangi O'zbekiston Strategiyasi" 2021yil.
2. Yure Yanson " Inklyuziv ta'lim" Toshkent 2003 - yil.
3. Sevara Rahmonova " Difektalogiya asoslari"
- 4." Inklyuziv ta'lim" muvaqqat Nizom 2005- yil.
5. Lola Mo'minova, Mukaram Ayupov, Dilbar Nurkeldiyeva " Maxsus pedagogik".